

(<https://news.usm.my>)

Berita Mutakhir

11  
APR

# USM, ADVERTISING NAGATA CO. LTD JEPUN BERHASRAT JALANKAN TANGGUNGJAWAB SOSIAL KORPORAT (CSR) BERSAMA



USM, PULAU PINANG, 11 April 2017 – Sebuah syarikat pengiklanan terbesar di Jepun, Advertising Nagata Co. Ltd berhasrat menjalankan Tanggungjawab Sosial Korporatnya (CSR) bersama-sama Universiti Sains Malaysia (USM).

Naib Canselor USM, Profesor Datuk Dr. Asma Ismail berkata, USM mengalu-alukan kerjasama daripada pihak industri untuk bersama-sama dalam perkembangan dan pembangunan kelestarian serta jaringan komuniti.

“Sejajar dengan Rancangan Malaysia Ke-11 (RMK11), USM bersedia menjana pendapatan sendiri selain daripada memberikan perkhidmatan terbaik kepada masyarakat,” tambahnya dalam ucapan aluan sempena kunjungan hormat delegasi Advertising Nagata Co. Ltd yang diketuai oleh Ketua Pegawai Eksekutifnya, Ichiro Nagata di sini, hari ini.

Asma berharap, kolaborasi di antara pihak industri dan USM dapat direalisasikan demi kebaikan kedua-dua belah pihak.

Sementara itu, jurucakap bagi pihak Advertising Nagata Co. Ltd, Dr. Wong Lai Yong berkata, syarikat pengiklanan Nagata ini telah banyak menjalankan tanggungjawab sosial korporatnya di kebanyakan negara di Asia Tenggara seperti Myanmar, Indonesia dan juga Malaysia.

“Kini, kami ingin mencari peluang dalam menjalankan CSR bersama-sama institut pengajian tinggi khususnya USM yang dikenali sebagai sebuah universiti yang mengamalkan kelestarian,” jelasnya lagi.

Yang hadir sama dalam perjumpaan ini ialah Dekan Pusat Pengajian Siswazah Perniagaan USM, Profesor Dr. Azlan Amran, dan Penyelaras Jaringan Industri dan Masyarakat, Profesor Madya Dr. Yeoh Fei Yee.

Teks: Syuhada Abd. Aziz



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015